

1570 rum navigiorum numerus, quos *Caramussolinos* Turcae vocant: his quinquaginta ad equitatum transportandum hippagogæ adjiciebantur, haud multum a nostris triremibus formæ diversæ, puppibus tamen latioribus, erectioribusque lateribus, quo commodius & onerari, & jumenta continere possent. Omnibus itaque comparatis, e Ciliciæ portu in Cyprum contendere, atque eam insulæ partem, qua optimum egressum esse, ab exploratoribus cognoverat, Mustaphas capere statuit.

*Hector Baleonius
summus in
Cypro militiæ
præfectus.*

*Nicolaus
Dandulus
supremus in
Cypro præses.*

*M. Antonius
Bragadenus
Tamaßi
præfectus.*

*Hieronymi
Martinen-
gii obitus.*

Magistratus interea Reipublicæ cum immensam belli molem jam imminere intelligerent, summo studio, atque animorum contentione ad bellum necessaria curabant. Commeatus in oppida, arcesque munitas convehere, incolas militiæ adscribere, oppida munitiora reddere. Hector Baleonius, qui in Italia præfecturam leviorum equitum obtinebat, post Laurentii Bembi legati obitum copiis omnibus cum summo imperio præerat, atque Leucosiæ, quæ præcipua regni situ, & munitione civitas habebatur, confidebat. Nicolaus Dandulus supremum magistratum (quem *Locotenentem* vocant) Venerio absente, legato, gerebat. Marcus Antonius Bragadenus, præfectus, Tamaßum administrabat. Baleonius cum ad hostium sustinendos impetus Leucosiam satis munitam animadverteret, Tamaßum profectus, una cum Bragadeno, quæ ad perficiendas munitiones spectarent, sedulo curabat, quod ibi exsensionem Turcas facturos rumor erat. Eodem Dandulus, de iis, quæ in re præsentī necessaria erant, cum Bragadeno colloquuturus, accessit; in Aschiæ pago de bello administrando concilium indicitur, in quo, præter Venetorum magistratus, Baleonius, summus militiæ præfectus; Eugenius Singliticus, Rochasii Comes; Jacobus Nores, Lepti Comes; præcipui peditem ductores, Leucosiensium rebus procurandis præfecti interfuere: ut quacunque ratione egressu hostes averterentur, decretum; intra Leucosiæ urbem septuaginta quinque; intra Tamaßum viginti quinque incolarum millia cogi; reliquos mortales cum jumentis, arduis, atque inaccessis montium recessibus recipi statutum; circumjecta Leucosiæ loca, ne hostibus tutus insidiis aditus pateret, sed liber undequaque prospectus esset, ut demoliantur, decernitur. Hieronymo vero

Mar-